


Anpao Kin

THE DAYBREAK



"Wankantanhan Anpao kin hiyounhipi." - Luke 1. 78.

VOL. XVII

FOREST CITY, SO. DAK., SEPTEMBER, 1901.

NO. 9

ANPAO - KIN:

Rev. E. Ashley, Rev. W. J. Cleveland, EDITORS

Anpao wotanin wowapi kin wi iyohina. wiyawapi anpetu tokahya eca wowapi tokxu kin ogna yewicakiciyapi ece.

Wi akenom (one year) on kaxpapi yamni kajujupi kta.

Wi xape kin kaxpapi wawji sam okise. Ieupi xni itokab kdajujupi kta.

Wowapi askabyapi maxaxana wanji qaix nonpa owapi kin. mazaska cekiya. ANPAO KIN opeton okihipi kta.

Tuwa wowapi kagin kta ca wowapi ska sani el owa kta.

Opetonpi kta wowapi hiyukiyapi qaix ed taku oyakapi kta cinpi na hiyukiyapi ca, wowapi ojuha akau dced owapi kta.

REV. E. ASHLEY, Cheyenne Agency, S. D.

Yawaxteya Caxeyaxapi Wawapi Wan

ANPAO KIN ielkoragunyanpi qa wicoran waxte eon iyounpaxtakapi kta wookihi yuha. Okodakiciye-wakan opapi tka abebeya tipi kin. hena iyotan taokiy waxte heca kta. Bixop waun kin eciyatanhan. taku ecamon onxpaxpa oyakapi qa taku bduotanin kta wacin kin hena owasin, qa Tipiwakan iyaza omawani woyakapi kin hena, qa naxax Okodakiciye-wakan kin wotanin tawa toktokeca ed kagapi kta. Oyate unkitawapi kin owasin Anpao kin icupi qa sanm wicaxa tokca wicaxupi nin ecaumi. W. H. HARR. Yewicaxipi Bishop

ABLEZA POI

Oglalata, Cankpeopi wakpala opaye, Messiah Tipi wakan el September 25th, 1901, mazaškan-an oape napciyunka kinhan Niobrara Convocation mniciye eyotankin kta yaotaninpi qon wama kignakapi. Hecel oyasin tanyan ableza po.

WOTANIN IKCEKA

Hekta qon ehanl United States el Ikceoyate umpi kin ogna kiciyuzapi yuke qon hena iyuha kinil kee wicohan ogna econpi na tuktel na owa wicakiciyanke šni. Tona Christian woecon ogna wankakiciyuzapi qon kenala owa icupi tka eceš nakun Okolakiciye Wakan tawowapi kin hel eeela owa yanka. He lecala Wakiya Wicaša Tomniciye tanka kin ekta piyapi yunkan Tunkanšilayapi toope kin ogna eeela kiciyuzapi kta ca Ikceoyate oyasin ekiwanjila wowasukiyeye wicakiciyustanpi. Na woopce kin ogna tanyan econwicakiyapi kta on ateyapi oyasin Woiyowinkiyeye Wowapi na Kiciyuzapi Isloye Wowapi beca

ko, Tunkanšilayapi ti ekta kağapi kin, etanhan hiyuwicakiyapi. Hecel wicaša wanji winyan wanji kici kiciyuzapi econpi kta igluštanpi kinhan ateyapi etan Woiyowinkiyeye Wowapi lapi kta, na ateyapi kin hecetuwicakicila yunkan wicaxu kinhan hehan ogna woopce ognayan kiciyuzapi kta tonakiya yuke cin etan wanji glahniğapi na ogna igluštanpi kta. Na tuktel wicakiciyustanpi kin hetanhan Kiciyuzapi Isloye pi Wowapi heca nonpa wicakiciyaxapi kta yunkan unma kin kiciyuzapi econpi kin iye glaha umpi kta ca on wicaxupi kta na unma kin inš el akiyecel owapi yunkan ateyapi kicupi ktar itokata owihanke wanin owakpamni ti ekta owa wicakiciyankan kta ca heon etanhan.

Na tuwe woiyowinkiyeye eela kiciyuzapi econpi kinhan heconpi kin on Tunkanšilayapi toope kicaksapi lakaš wicakakapi kta nakun yustanpi.

August 7th, 1901, hehanl ake Oglalata pte-canku mazacanku wicaša owicaxupi kta hecinhan ob iwoglakapi yunkan ake wicalapi šni. Wicalapi šni kin eaje mnawicayapi yunkan koktopawinge wanji sanm opawinge napciyunka sanm iyeya keyapi. Taku on wicalapi šni kin hecala šni eyaš tokel wokajuju wicaxupi kta keyapi kin he ihankeya iyokipipi šni ee selececa. Ptegleška iyohila on šokela icupi kta kewicakiyapi qon he kokipapi: owekinhan hecel ob gluštanpi yunkan ptegleška kin conala han-tanš mazaska icupi kte cin inš eya conala kta tanin.

Hasapa makoce ekta kicizapi yunkan Milahanska oyate šonšola icakwicayapi kin mahan Lakota šunkawakan tawapi kin išnala tehan suta waciyepicapi e Saglešin oyate hecel iyeyapi kin on etanhan heca ece lila opewicatonhanpi oyakapi.

July 29, 1901, Mašte Makoce ekta oyate nonpa, Kiowa na Comanche ewicakiyapi kin, tamakoce onšpa yublokapi kta yunkan Wašicun tokel iyowicahi kta isanm iyeya opawinge ota makoce opeiçitonpi kta on inalnı ekta abimniçiyapi. Yublokapi

kin he wicaša koktopawinge akeyamni heceglala wabecetu kipipi kta yunkan wicaša koktopawinge opawinge wanji sanm koktopawinge wikcemna zaptan iyohila woju iyutapi 160 opeton cinpi. Hececa yunkan tona tokeysa ekta iyang yapi na išnala ohitikapi kinhan henala makoce onšpa icu okihipi kta itokab tanin kin on Tunkanšilayapi ti etan togye econwicaxipi. Tona makoce opeton cinpi kin hema oyasin eaje mnawicayapi yunkan kansu iye-nakeca koka ognakapi kta. Kansu kin hema etanhan koktopawinge akeyamni el on makoce icu okihipi owapi kta tka unma kin oyasin el takuni owapi kte šni. Hehanl tona makoce icu cinpi na eaje owa iwicaxupi qon hena iyohila koka etan kansu wawjila wanyake šni icu kta yunkan tona on makoce icupi kansu heca wanun icupi kin kenala makoce opeton okihipi kta. Woju iyutapi wanji yunkan mazaska wanji sanpa šokela hecel iyopeyapi, tka tuweni woju iyutapi opawinge sanpa wikcemna šakpe okpaniyan opeton okiki kte šni, hecel wicakiciyustanpi.

Okicize wata tanka kin hena maka cabli ohankoya yusota canke ogna tehan yapi kte cinhan heca lila ota okšapi. On ohankoya okšupi kta wara tanyan iyeyapi yunkan Newport, R. I., ekta July 31 hehanl wata wanji Massachusetts eciyapi kin he maka cabli okšuhanpi yunkan mazaškanškan oape wanjila škanpi yunkan tkeyutapi tanka (ton) opawinge nonpa sanpa wikcemna topa sanpa šagloğan henašca okšupi.

Manitoba makobašpe ekta ağıyapi na wayahota lila ota icahyapi on tokani išnala kawapi kta okihipi šni. Tokantanhan wicaša 25,000 owicalotapi kta cinpi.

Wowapi Wakan Kağapi Omnicieye (American Bible Society) hekta omaka icuhan Wowapi Wakan 1,554,128 henašca kağapi. Hetanhan 580,512 henašca Milahanska oyate ega iya-yeyapi na oyate tokeca ekta 973,615 iyayeyapi.

Nahanhein tuweni waziyataki-

ya maka ihanke, North Pole eya eajeyatapi kin, ekta ihumni šni nainš nakun itogatanhan maka ihanke, South Pole eya eajeyatapi kin, ekta tuweni ihumni okihı šni; nupin okšan itebanyan ataya cağa na lila hein osni kin heon etanhan. Ota okihi igilapi na iyutapi tka ekta eçapi nainš kitan hein ni gliçupi ececa. Locala ake Milahanska wicaša wan Baldwin eciyapi, North Pole kin he ole iyaya yunkan icuhan Sagleša wicaša wan, Gregory eciyapi, he South Pole kin ole iyaya.

OKOLAKICIYE WOTANIN.

Locala Rev. John Hartley, Congregational wicaša wakan qon, he Oklahoma obašpe ekta titokan gli na Wicaša wakan kağapi.

Chicago obašpe el Winyan Omnicieye kin, hekta omaka KIE Yewicaxipi on mazaska \$21,291.21 mnazanpi na kicuppi.

Hekta July 28th he ehan Saglešata Bishop tawapi wan, Rt. Rev. Brooke Foss Wescott eciyapi kin he te. Bishop kin he lila ksapa na lila wacinyanpi. Ohin ni Yewicaxipi wicohan ewacin lakaš cinpi topa, iyohila Wicaša Wakan hecapi, Yewicaxipi ekta kta wowaši econpi.

Senator M. A. Hanna eciyapi kin he Okolakiciye Wakan Owayawa wan el wayaya qon, koška-laka sanm ota el wayawapi kta ca tipi kağapi cinpi kin on mazaska \$50,000 kin.

Locala Detroit otonwe kin el Brotherhood of St. Andrew ataya omnicieye econpi kin el sunkakiçiyapi etanhan opawinge šakowin el opapi. Omnicieye oiyokipi yuhapi keyapi. Eya Dakota wanji ekta hi ca maunhonpi šni, qeyaš tona tiyata unpi kin bliheçapi na wicohan tawapi kin kiksuyapi wašte. Owekinis hunli lwa naiš škanapim ayapi seca, kinhan iglukicapi na woçiconze qon he ogna econpi wašte.

Locala Aug. 3d he ehan Rt. Rev. A. N. Littlejohn, Long Island el Bishop un kin he te. Wicaša kin he lila wašte na wayapike cankel lila kinihanpi ece, tka wama te cin on iyokišicapi.

THE DAYBREAK.

Rev. E. ASHLEY,

Rev. W. J. CLEVELAND

EDITORS.

THE DAYBREAK is published monthly in the interest of the Protestant Episcopal Church among the Sioux Indians of South Dakota.

The subscription price is 30 cents per annum and may be paid in one or two cent postage stamps.

Single subscriptions for six months, 15 cents.

All subscriptions and matter for publication should be addressed to

REV. E. ASHLEY

Cheyenne Agency, S. D.

Letter of Commendation.

The tendency of THE DAYBREAK is to provoke to good works and to bind us together. It will be a special help to the scattered members of the Church. Besides other Church news, it will contain my official notices and accounts of my official acts and visitations. I hope our people will take it and circulate it.

W. H. HARE.

Missionary Bishop

PRINTED at the office of the "Forest City Press."

ENTERED at the Postoffice at Forest City, So. Dak., as second class matter

OKOLAKICIYE WAKAN WIYAWAPI.

September wi kin.

1. Yamni iyohakab Anpetu Wakan iakeyamni.... To
3. Rtayetu kin Triennial Convocation eyotaukin kta.
- 4, 5 na 6 nakun-omniciye econpi kta
8. Yamni iyohakab Anpetu Wakan iaketopa.....To
15. Yamni iyohakab Anpetu Wakan iakezaptan.....To
21. St. Matthew Wahošiyeye Tapanpetu.....Ša
22. Yamni iyohakab Anpetu Wakan iakesakpe.....To
24. Napciyunka ape ein hehan Niobrara Convocation kin eyotaukin kta.
25. na 26. Convocation omniciye kta naecea.
29. St. Michael na Ogligle oyasin anpetu.....Ška

Wotanin-wašte Ayapi On Wocekiye.

Anpetu iyohi wicokaya he ein ehan heyapi kta:

Wanikiya wašte isto wacantkiya nitawa kdugad, canicipawega akan otkeyahau yaun tka qon, maka akan wicaša un kin owasin Niye ekta etonwaupi qa niwicayapi munwe. Amen.

BAPTISMA WOICICONZE KIN.

Jesus Christ eciyatanhan takuciyapi:—

Miniawicakaštanpi kta yuke cinhan, ekta taku wanjigji sanpa tanyan econqonpi kta iyececa walake ein hena lehanl oblakin kta. Miniakaštanpi kta kin he wanijetu akezaptan, nainš sanm iyaye cinhan, iš eya inakicijinpi yu kin kta čeyas hena waayatanin (witnesses) hecapi kta, na waeki-

eyapi hecapi kte šni, cankelaka miniakaštanpi kta kin he iyecinkala woayupte kin eyin kta iyececa. Heon okihi kta ea on ikokab onspekiyapi kta iyececa, hecel wowapi colan eya okihi kta. Na išnala eyin kta eececa okihi šni bantanhanš, Wicaša-wakan kin kici eyin kta. Icin, lie wanna wiyukean na činsya taku ičiconzin kta ea tawacin oičihi; canke miniakaštanpi kte cinhan, iye cante kin on woiciconze kin ogna ičiconzin kta nahan i tawa kin on oglakin kta ea hecala tanyan kipi. Tuweni he ecakicicon kta okihi šni. "Wanjini kaša iye sunkaku opekicon okihi kte šni, nakun on wokajuju Wakantanka qu okihi kte šni," Psalm 49:7. He hecetu lakaš, tawe liein wanji iyecinkala wiglukean kta iyehan ihumni, tka nahanhein miniakaštanpi šni kinhan, he Wotanin Wašte nabon yunkan Jesus Christ He awicakeye liein Wakantanka Hee e wicala kin on Iye tokel eye ein waanagoptan un kta iyececa slokiya, tka iyecinka hecel igluha kta okihi kte šni ea he nakun okiglašniğa kin on Woniya Wakan kin he okiyin kta ein liea ehantanhans, iho, he wanna cante mahel hecel iglušan kinhan, miniawicakaštanpi wocecon kin on hecel činsya ičiconze na tanyan Wakantanka ičicu kta iyececa. He cel itokab tanyan iglušan yunkan waayatanin kicicalniğapi kin wicikokab i tawa kin on tanyan oglake cinhan, wiconi teca kin el činsya igloaye naban el ohinni sanm onspeiçiciya un kta; yunkan ohakab Bishop ake hi kinhan Wicayusutapi qupi kta ea iwinyeya igluha kin on he ecakiconpi yunkan hetanhan ohinni Wotapi Wakan kin icu sa kta iyececa. Qeyas, miniakaštanpi kin ekta iye išnala woayupte kin hena eyin kta, yunkan ob inajin kin hena inila, waayatanin heceglala, ea inakicijinpi kinhan he owotanla kin ee kta.

Nahanhein hokšicala unpi kin ehanl miniawicakaštanpi, yunkan ohakab tanyan onspewicakiyapi, yunkan wanna wanijetu aketopa, akezaptan wahecetapi kinhan Wicayusutapi kin ekta awicahipi kin he iyotan wašte kin ee; tka he tokata on woicicyakapi kta ea on lehanl wegnakin kta.

Awicakeya kolaniyaupi kin wanji,

Wm. J. Cleveland.

Okolakiciye Wakan kin Wiwicawangapi tawa kin Gieska pcecla wan.

Onšpa Iyamni nakun.

Woahope Izaptan.

Woope izaptan, woiwahoye yuha tokaheya kin, he okiyušte inonpa etanhan he woope tokaheya kin ee, na tokel ecaunkiciconpi kta na toktokeca ekta tokel

unkolhanpi kte ein he onspeunki-yapi. Tani oyate kin atewicayapi eecla yuonihan wicaši, na inayanpi kin hena oholapi šni, tka nopin wicayunihan unšipi; kowicunkipapi kta, Lewi. 19:3; ohowicunlapi kta; wowaštelake on anawicungoptanpi kta, Eph. 6:1-3; wowahokonkiye, woonspe na woiyopeye tawapi kin tanyan unyuhapi kta, Wico. Wak. 6:20; na kanpi eca taku oyasin on tanyan unpi kta e wicunkicunptapi kta, St. Matt. 15:4-6 hecekeel Wakantanka onspeunki-yapi.

Atkukupi na hunkupi tokel wicayunihanpi kte ein he Wanikiya unkitawapi kin onspeunkiyapi. St. Luke 2:51; St. John 19:26, 27. Juda oyate egna tona woope kin le yuhapi kin, he Kanan makoce, makoce wau Wakantanka wicaqu kin, he el tanyan na tehan nipi kta iwahowicayapi. Unkiye unyuhapi kin, Wakantanka toksape eciyatanhan tohanyan maka akan unqonpi ihehanyan tanyan unqonpi kta, na icunhan taku unkanicapi seca eša, mahpiyata Kanau ounye kin el hena Iye unqupi kta.

Moses toope kin eciyatanhan wakanheja tona waanagoptanpi šni kin hena wicakte wicaši. Ate na ina ekta tokel unkolhanpi kte ein onspeunkiyapi kin, tona unkiwankab unpi kin, itancan tawapi anawicagoptanpi kta, Eph. 6:5-7. Oyate kin wicaša wakan tawapi kin wicayunihanpi kta. 1 Thess. 5:12, 13; Heb. 13:1. Tecapi kin kanpi kin wicayunihanpi kta. Lewi. 19:32.

Woahope Isakpe.

Maka akan woyawašte tona yanke ein, wiconi eyapi kin he iyotan, hecel wiconi ihangyapi kinhan he wošice tanka. Tilwicaktepi eyapi kin he tuwa wanwicaša tokeca wiconi tawa otuya ihangkiciye ein hee. Nahan tuwa tawacin blesyahan ičikte cinhan he tilwicakte heca; icin wiconi unyuhapi kin he Wakantanka tawa, 1 Sam. 31:4, 5; 2 Sam. 17:23. Tohan wayasu wan wicaša wan čin kta yasu kin na ktepi kinhan, Wico. 9:6; Roma. 13:4 he tilwicaktepi heca šni. (Woope 37 kin ihanke wapa wan-yakapi kta.) Nahan maka itancanpi kin taakicetapi kin wokicize el tuwa wicaktepi kinhan tilwicaktepi heca šni. Wowahokiciye teca kin el akicita Wakantanka waštelapi kin cajewicayatapi. St. Matt. 8:10; Olan. 10:1-4. Tuwa wicaša tokeca wan wanun kte cinhan nakun tilwicakte heca šni. Wicay. 35:11-28.

Tilwicaktepi kin he wicacante el tokaheya icaga, St. Matt. 15:19; na tuwe sunkaku šicelaka hecinhan, he wanna tilwicakte heca. 1 John 3:15. Wacinuntankapi na wicunkicicajujupi kta

he wocecon unkitawapi, Kol. 3:15; Eph. 4:32; na šica on šicaya eca-wicunkiconpi kte šni, 1 Inyan 3:8, 9.

Woahope Isakowin.

Woahope isakowin kin he tokel kapi kin, Wanikiya unkitawapi kin St. Matt. 5:27, 28 el oyake. Okiciyuze wakan el taku tona yušice ein hena telinla. Tokel wiconi teunhilapi kin he iyecel unskapi kta, na taku untancanpi ihangyapi kta kounkipapi kin, he iyecel taku yušapin kte ein kounkipapi kta.

Woope kin le wošape oyasin kipajin; na wicanagi yušice ein wocantiheye šice ein, na wocecon tona wocantiheye šice hena awacinwicaye ein koya.

Woope taku ke liein he, oyasin woawacin, wicoie na wicoban on skaya igluhapi kte ein hee. St. Matt. 5:8; 1 Kor. 3:16, 17; 6:19, 20; 1 John 3:1-3. Untancanpi kin akišanicijiyapi, wacekiyapi na waktapi kin on ihukulunkicijiyapi kta iyececa. St. Matt. 26:41; Gal. 5:24; Titos 2:12-14.

Woahope Isaglogan.

Woope isaglogan kin he "unkolhanpi oyasin el owotanla na wicakeya unqonpi kta" na "unnapepi kin waicueupi na wamanonpi etanhan tokan unkiğluhapi kta" he cinunkiyapi. He cel tona wamanonpi sa eecla ke šni, tka humli taku wiyopeyapi kin, Wico. Wak. 11:1; nahan tona wopetonpi tka kajujupi šni kin, Wico. Wak. 20:14; tona wolotapi tka wicakieupi šni, Psalm 37:21; tona taku wicacuppi tka okihi kin ogna econpi šni, tona owewakankan on taku lapi kin, wicakicicajujupi šni, Jacob 5:4; na wowaši wan itancan tawoyuha kin otuya yusote cinhan, St. Matt. 25:14-30, hena oyasin wicake. Zaccheus tokel woope kin le kicakse çon, St. Luke 19:8 el unkokiyakapi. Woope kin le on tokel econpi kte ein Eph. 4:28 el oyakapi. He eciyatanhan taku on unnipi kte ein wicoban econpi kin on unkiğlamnapi kta, na škankapin šniyan wowaši econqonpi kta, hecel woope kin le kiunkaksapi kte šni.

Woahope Inapciyunka.

Woope inapciyunka kin, wicaša ekta wicaceji on waštanipi kin; taku kaša wicakešniyan cajeyatapi na on ikiyela ti kin gnayaupi kin; otuya cajeyatapi, na taku econ šni keš econ keyapi, na iglawankantuyapi kte ein on yuhukuliyewicayapi, naiš wicayašicapi kte ein hena oyasin telinla. Woope kin le on unkikiyela ti kin-wicaša oyasin he kapi kin - waonšilaya owicunkihanyanpi kta onspeunkiyapi. Wico. Wak. 3:28, 29; 24:28; 25:18; Roma.

13:9-11; Gal. 5:14; Jakob 2: 1-9. Juda oyate el tuwa woose kin le kicaksapi kinhan kakišwicayapi ece, Woose Itag. 19:16 el unyawapi. Wicake šni oyakapi sa kin on toketu kte cin he 1 Wicaša. 21: 1-10; St. Matt. 23: 59-61; Ohan. 25:7 el oyakapi. Owewakankanpi kin he wicakešniyan woyakapi kin icikoyakapi na nopin Wakantanka walitela šni. Wico. Wak. 6:16-19. Iapi šica na waiaapi kin woose kin le kipaju, Psalm 15:1-3; 1 Inyan 2:1. Wakanšica kin he owewakankanpi atkuku kin hee, heon ohinni wicaša woose kin kicaksewicaye, St. John 8:44; na heon wowiyutanye tawa iyowinunyanpi kte šni e ohinni waunktapi wašte. Leeel econqonpi kta ca Eph. 4: 25; Kol. 3:9 el iwahokonunkiyayapi. Tokata owewakankanpi tokel kakišwicayapi kte cin he Wayu. 21:8; 22:15 el unyawapi.

Woohope iwikeemna.

Woose iwikeemna kin he uncantepi kin awanglag unšipi; na tona taninyan walitanipi šni eša, tawacinpi kin on wocantiheye šice awacinpi kin woose woyašica kin iyaglewicaye. St. Paul Roma 7:7 el wocantiheye šica kin hena cante el woalitani ohutkan kin hee oyaka. Woose kin le numa kin hena itokeca kin lee, unnapipi kin wicohan šica kin econ šni wicaši, na le wicohan šica awacin šni wicaši. Wakoupi kin he Wakantanka walitela šni, Psalm 10:3; Christ itonpe unšipi, St. Luke 12:15; wakagapi oholapi iyecel yawapi, Eph. 5: 5; Kol. 3:5,6; na lehanl Wakanpi Olakolkicayapi kin he, na tokata malipiyata unpi kte cin ko tankal yewicaya ece. Mazaska icinšniyan waštelapi kin on woose kin le kicaksapi, na taku šica heca, 1 Tim. 6:9, 19. Woalitani kin le etanhan zani unqonpi kta e taku unyuhapi kin, on iyokipiya unqonpi kta iyececa. Phil. 4: 11. Iyokipi šniyan unpi kin he woalitani heca, laka Wakantanka toksape, towaštelake, na towašake cin caŋunglapi kta e iyutanwicaye ece. Heb. 13:5, 6; 1 Tim. 6:6-8.

Woose topa tokaheya kin el wowanikiye kta e Wakantanka wicaunlapi kta, Roma. 10:13; konkipapi kta, Wico. Wak. 16: 6; St. Matt. 18:28; Wayu. 15: 4; Iye wašteunlapi kta, St. John 14:15-21; 15:9, 10; ohounlapi kta, St. Matt. 4:10; wopila unqupi kta, Psalm 92: 1; 1 Thess. 5: 18; Eph. 5:20; wowacinye Iye el ungnakapi kta, Jer. 17:5-9; Isa. 26: 3; 2 Kor. 1:9; 1 Thess. 5:17; St. John 16:23, 24; Iye tawacin econpi kin on eaje unyuonihanpi kta 1 Sam. 2:30; Jakob 1:22; na anpetu tona unipi kin awicakeya iye waecaunkiconpi kta, 1 Anpetu Oyak. 28:9; 2 Inyan 2: 21 hecekel onspeunkiyapi.

Woose ehakē šakpe kin el, tokel unkiŋlacinpi kin he iyecel unkiŋiyela ti kin wašewicunlakapi kta, na tokel wicaša ecaunkiconpi kta uncinpi kin iyecel ecawicunkiconpi kta onspeunkiyapi. St. Matt. 7:12; 22:39; Roma. 13, 7, 8; Heb. 13:17. Okiyuŋpe kin le el woose kin, Wakantanka wiconi unkitawapi el, wicohan tukte etu eša el unkiŋcopi kinhan he el iyokipiya owotanla ecel econqonpi kta onspeunkiyapi kin ee.

Anpao kin:

Mitakoda:—Wipazuka wakpa oyate unqonpi Y. M. C. A. omniciye unyuhapi, June 27 qa 28 qa 29 qa 30th. R. C. Horn, Prov. Secty. Y. M. C. A. Winnipeg, Manitoba, koška itancan kin de unnagipi wowicakahi oyate de piundapi qa unkiyuškimp; qa Mr. A. T. Tibbets hi šni heon icante unšicapi, tuka nakun oyanke wanji en heca ohna škan unkecinpi. De omniciye kin on tona Wakantanka wacinyan unyakonpi owasin wopida unkeyapi. Koška wanjikji Wakantanka sdonyapi qa Jesus wicadapi. Makoce de koška šakpe Y. M. C. A. wicacaje qupi. Dena koška kin nagi wicayuhomnipi heon wopida unkeyapi, qa R. C. Horn wowahoye unqupi tokata omaka kinhan ake Wipazuka wakpa en bdokeku woospe unyuhapi kta keye, hecen owasin nina cante unwaštepi. Mitakuyepi, tona Anpao iyacupi owasin wokicantepi unyauqupi ecanmi, oyate de hinalin onge Wakantanka sdonyapi šni heon, qa Wicašta wakan unkitawapi cante wašteya litani dehan. Mitakuyepi on den woalitani ota en unyakoupi. Roma. 5:20. Tukten woalitani yuota ikicage ciqon hen wowaonšida nina sanm iyeya ihduota eye ciqon de awacanmi on etanhan he hepe. Qa de omniciye kin on etanhan taku eye mašipi, hecen inawajin qa decen epe. Woalitani ehna unyakonpi qa unnagipi akihan qa untakunipi šni, waunšakapi šni tka Mr. Horn unnagipi wowicakahi he piwada kepe; qa maka akand unipi kta hee tka iyotan tohan unčapi kinhan unnagipi niunkiyapi qeš unkecinpi kta epe. Philippi. 1:21. “Wani kin he Messiya ee qa maŋe cinhan sanpa tanyan wann kta.” Johannes 3: 15. Wowapi wakan oehde denaos yuha oyate wicetokab wowahdake. Qa omniciye de cante wašteya unškanpi, \$23.00 yud unškanpi, Woškate waštešte nakun econqonpi, qa taku tokeca wanind, taku ekta šniyan codan tanyan omniciye ihunniŋiyapi, qa June 30th, 1901 habanna kin he wohduze econqonpi. Anpao iyacupi, mitakuyepi, owasin can-

te wašteya nape ciyuzapi.

Nitakuyepi,

Joseph Itoye,
Griswold, Manitoba

Wipazuka wakpa July 14th 1901 anpetu kin he koška minia-kaštanpi, Alexander Maza wašicun eciyapi. Owasin cante unwaštepi. Wicašta wakan unkitawapi Rev. J. F. Cox kiciyuštan. Joseph Itoye.

Koška wan Joseph Itoye Lay Reader unyuhapi. Anpetu Wakan kin otioyohi St. Luke's Church en woospe kin hena yawa. Mrs. George O. Williams candowankiyapi pakinza.

Owayawa tipi unkitawapi kin tiyopa kin wanna nataka Dakota cinea tawapi kin Elkhorn Industrial School aškadan en hdektapi kta he ibdukecan.

Waniyetu kin de Dakota aguyapi su ota he yuhapi kta.

Wakantanka kin wopida kin otakiya icu kta, qa tipi wakan unkitawapi kin en womnaye olanpi kin he unqupi kta he nina iyeunceecapi.

J. F. Cox,
Wašicun wakan
Griswold, Manitoba

Yankton Agency, S. D. etanhan.
Anpao:—

Koda ito taku conaman inalni omiyeeciye kta wacin. Hekta Sep. 1900 he ehan Cheyenne River Agency ekta Okodakiciye wakan Omniciye tanka tawa wan Convocation eya eajeyatapi kin witayapi qonhan, miš eya Sunkaunkiciyapi wan, St. Andrew's ewicakiyapi qon he witaya Sep. 21st litayetu kin he ed Tipi Wakan okna unkiŋicopi. Qa ed tona unhipi kin ataya koškanaka 44 mwitayapi. Wanna itancan wokiye ciqon he Itancan iyotanke hehand wowapi kalhwokiye ciqon ed hi šni heced ito inalnina Cagaka he wowapi kalšipi. Hekta toked omniciye qon he tawicohan kin yawapi, qa taku wanji ed iwokdakapi kta iyececa tka tuwa Anpao kaga itancan kin he iapi henan ed un kta iyececa šni dake ca owasin keya. De iyohakab tokata tonan itancan wicawakiye kte ciqon he wicakalnigapi qa dena eepi. Itancan hee cin Rev. Ed. Ashley (Psehtin): Itancan okihe, Louis Dorian (Louis Hanska): Mazaska awanyaka cin, Rev. Joseph Goodteacher (Maza naiyoyas mani): wowapi kage cin—Cagaka. Denan woecan kin econqonpi qa ito omniciye enaunkiyapi.

Sept. 22d 1901, 6:30 a. m. Hihannaheci omniciye wakan unyuhapi, qa he ed Wotapi wakan sunkaunkiciyapi kin econqonpi qa ataya 52 ounpapi. Itancanwokiye wan Rev. Ed. Ashley eciyapi kin woecan kin de ecaunkiciconpi, qa nakun iapi dena on on wahokonunkiyapi: “Ya yo,

waanagoptanpi he wašte.” Iapi dena on misunka taku emakiye cin owasin ookalnih wašte qa woibakta ke sececa, iye kin wanyupiya abimpe cin he ou hema-ceca. Rtayetu de ake yupiyakel mnimiciye. Qa wanna woeciye wowahokonkiye qa odowan koya tanyan unkiŋduštanpi qonhan hehand wanna ake taku tona amanlia kin wanjikji iwounkdakapi, tka ehaaš iapi ota abeya nasayena unkeyapi qa cuwi yuhadhadtapi se tokeena yušan šni oape kin ehanunkipi. Wan qeya! ito taku econqonpi kte do unkeyapi qa ataya \$16.00 manunkiyapi. Dena Okodakiciye womnaye tawa kin ed wicaunqupi.

Sep. 23d Rtayetu de ake mni-ununkiciyapi qa Mr. Goodteacher ake woeciye ecaunkiciconpi. Itancan iyotanke qa toked owecinhanhan woecan kin hena oknayan waecan. Qa taku wanjikji nina iwokdakapi kin he, Dakota ekna sunkaunkiciyapi kin General Secretary tuwa oyanke iyaza wowahokonkiya un kta wanji unyuhapi kta he, eyapi: hunli hecetidapi qa hunli iš wan! eyapi. Iapi de on anukatanhan bogaya wicanaju qa kitanli wan! eyapi qon heciyatadhan yušanpi. De taku kin he echanheci aktapi šni heca šni, tka ito keyaš dehand iyehantu šni keyapi. Chapter unpi he ed tuwa Itancan hecinhan he Chapter opapi kin ecel wannaye qa hehand Provincial Chapter ed Mazaska awanyake cin he qu kta, qa Provincial Chapter Mazaska awanyake cin iš Convocation kin ekta Provincial Chapter ataya mniciya cankdaotanin kta. Detanhan Program committee yukin kta, tona iapi kalnigapi kte cin heca kapi, qa hena Itancanpi kin eepi kta. Ho eya dehan taku ota unyustanpi šni eša misun tona dedhipi kin hena ob litayetu wanjikji ob witaya manke qa taku wanji iwounkdakapi, heced misun tona tiyata nankapi kin lena niš nayalonpi kta wacin. Eya ehanna wowapi cicagapi iyececa tka togyehtiŋ wiwanbdake qa tehan takuna epe šni. Omniciye tanka ikiyena unyanpi kinhan hehan wowapi eciyapi kinhan okiniš sam ed nina awacanipi kte do, epeheca. Ho heced misun abdiheiciyapi qa omniciye tanka kte cin de ed ake yuwitaya ubiye dehan. Misun wowapi kin de on cante wašteya eiksuyape do. Niciyepi qon he miye.

St. Andrew's Brotherhood, Alfred C. Smith, Wowapi kaga.

Westover, S. D. etanhan

St. James Chapel.

Anpao kin:—

Iyapi conala on wowapi eicu kte lo. Makizita eiqala opaya,

St. James tipi wakan el omniciye unyuhapi. Yunkan lecala taku econpi ca oblaku kta wacin ye lo. Taku tokaheya kuwapi kin he wope wikemna kin he tokaheya onspepi cinpi kin he ye lo. Easter Day ostan taku econpi kin he anpao itokab eyanpaba wan yuhapi canke, "inyha kikta po, iyuha kikta po, wanna wacekiye lapi kte lo eyaya." Wolice can iyuha mazaškaškan topa ehanl wakablapi canke lila oiyokipiya wacekiyapi; na litayetu ehanl wotapi econpi. Lena oitaneyan skanpi: Louis Bear Heel, David Short, Silas Standing Elk, Frank Red Shirt, Charles Crowman, Mary Towaste win. Iho Mitakola tona Sina Ska oyapapi kin wacefungla šni Wakantanka wowaši ecayeconpi kin iyuha waštaya nape unniyuzape lo. Tuwa iyotan onsike con.

George Pony.

Lower Brule Reservation kin en Wakantanka Towaonsila wicaqu kin on wopila gluotanimpi wan: Mitakuyepi, Christian owancaya yaampi kin Jesus Christ eciyatanhan on tečililapi kin na kaba anpetu le naunyaonpi uncinpi Lower Brule el na Chapel of the Holy Faith el na hekta April 27th he ehanl tiwahe nonpa smallpox eecapi, hena Roman Catholic etanhanpi. Ho eya ikayela yapi telika; ecin nakun oyasin wosukiye anagoptan kte cin heuncapi lakaš. Ho eya ececa eša Itancan Jesus Christ oie kin ee pawakanl unyuzapi na yuptinaunpapi na wotanin wašte kin, St. Lukas 10:27-37. "Yunkan wanji onšila qon hee ce" eya. Hehan Jesus heciya, "ye ca iyeceel econ wo." Heon etanhan Lower Brule el Episcopal Church unqonpi kin el Koškalaka omniciye wan unyuhapi kin he ekta unyanpi na ob wakanceunkiyapi na nakun woyute wicunqupi kta yuštampi Miyelica ekta wai na 7 Feet ihehanyan wicawai na St. Lukas 17:11 he blawa na ob wakilapi wocekiye wakan kin unkeyapi, na hehan Jesus Christ on wokicanpte ewicawakiya. Ho he iyohakab Rev. L. C. Walker kicopi na ekta kici wai na tokaheya Jesus Christ toie on wokicanpte iapi ewicakiya, na olowan 109 he unlowanpi, na St. Lukas 17:11 he yawa na wicaša wikemma asniwicaye con he unkiysuyapi, na onšiciya wacinyelica cante ataya on wocekiya unkeyapi. Ho tka Small pox akisnipi kin heceglala wopila eyapi kte šni tka wanjila wopila eye qon he iyecel tawacimpi kta ca he nakun Wakantanka unkilapi. Ho he iyohakab Lower Brule el Winyan omniciye unpi kin oaletka zaptan unpi kin etanhanhan taku woyuha ocaje oyasin mnakiyapi na tohan akisnipi kin wicaqupi

kte yuštampi na econpi. Hein tohan akisnipi kin woyuha yuhapi kin oyasin inunalikiyapi kta iyukeampi na heon heeconpi. Ho ecin hayapi unpi kin hena Small pox okaštan lakaš. Ho Agency Ateyapi waonšilaya wawokiya škan na Pejibuta wicaša waonšilaya wawokiya škan na Juna 13" qonhan wanna Small pox kin ktepi ca oyatepi kin ataya wopila unyuhapi. Ho eya ecin tuwenni sanpa iyahpaye šni, na nakunš tiwahepi kin etanhan zaptan eecapi na zaptan eecapi šni. Ho hena Roman Catholic hecapi kepe qon lehan hena wanna Protestant Episcopal etanhanpi ca iyewicunkiyapi, "Niyepi kin etanhan wicaša wanji talica waniyanpi opawinge wicayuhe ca wanjila kitanin šni kinhan wikemna napciyunka sanpa napciyunka kin hena makotahena awicayuštan na tanin šni qon he tohanyan iyeye šni hehanyan okile šni naceca he. "St. Lukas 15:4. "Wayalitanipi kin otioyohi okiciciyakapi na otioyohi wocekiye ekiciciya po, hecel anisnipi kta. Wicaša owotanla lila wašagya cekiya cin he taku tanka okihi ece. "Jakob 5:16. Wowaštela on nape ciyuzapi. Nitakuyepi wanji niye.

Daniel Surrounded High Elk.

Pine Ridge,

Corn Creek District etanhan.

Mitakuyepi: Omaka tona Convocation el wai šni hecel wanna wacin ibošaše seca ecannipi, naiš wicošan šica on hinhpaye sece ecannipi naceca, tka Itancan omaka 1899 kin el Deacon onspemakiyapi on Rev. A. B. Clark, Rosebud, S. D. el kici waun icunhan cante mayazan kin on Pine Ridge ekta wagli. Tka mitakuyepi itonpi šni kin he woonspe kin otawačelye šni on kuškonza ce eyapi; tka 1890 kin el wanna mašin kta lei qonhan ibluškin owewakankan on aimayanpi kin on. Itancan omaka 1890 kin el ciye, Rev. Chas. S. Cook wowaši kin le ecamon kta kin on mico, hecel waniyetu 23 henakeca Pine Ridge el Catechist wowaši econpi kin el niye iyakapeya wowaši ecamon. Tka maknje kin on wanna omaka wanji owanji waun, icunhan Wawokiya teca kin Mr. Laurence Bull Bear tohanl cinke can el mahi na wocekiye emiciye; tka unmapi kin ecaca wocekiye on el mahipi šni, tka itancan etanhan Woniya Wakan kin he kicimaun nin ecanmi. Yunkan tuwa Jesus wacinyan hecapi qon Corn Creek el Koška omniciye, Winyan omniciyepi kin \$2.35 on omakiyapi, na wowapi wakan oegle on wašagmayanpi na lila piwala. Icin Catechist waun el \$10.00 maqupi kin wanna maqupi šni canke heon micinea zaptan ob na winyan ni-

tawa hecel teliya unyankapi mitakuyepi, namayakihonpi kta on le wakage. Olowan lena on walowan na cewakiya, 151-158, na makuja on tipi wakan awanblake kin tiyopa natag han he lo, icin Wawokiyapi enakiyapi sa canke. Ho tona le wanlakapi kin wowaštela on napeciyuzapi. Wocekiye on miksuya po, wowapi wakan el heceunšipi. Niyepi kici wowaši ecanonpi kin.

Jefferson Blue Bird,

Catechist

P. S. Anpao kin taku eye kin el taku epa wacin tka. Tokaya itancan omaka June 1892-1901 iyokognayan omaka iyohi opewaton na el wotanin wakaga wacin sa tka ijehan ekansniyan un. Tuwa wowapi wakan na wocekiye na wowanyake el taku wan slolye šni kin, Wošna kaga na ihukuya unpi iyunge na slolye kta wašte. Na tuwa wokuja wan slolye cin kin Doctor wan iyungi na tanyan slolye kin yuotanin wašte. Taku wanjikji iyecetu šni keš okan šni unyahanpi kin akibleza po. Tuwa wotanin wowapi kagin kta kin onspeičiyi na econ kin wašte, na tuwa kage kin oyanke tanka caje ko el egnake kin hecel on islohuayanpi kta, caje kin woeye tani on owapi oyasin egnaka wašteke. Anpao takolaku oyasin napeciyuzapi. Nici wowaši econ kin.

Jefferson Blue Bird.

Holwoju etanhan.

Anpao kin:-

Kola, ito taku wanji ake olakin kta wacin. Rev. John Wahoyapi cunwintku tokapa kin, Lonise Aug. 2nd, 1901, he ehanl woocikiye makoce kin ekta iyaye. He litayetu el, Cinye Mr. Ashley el hi, Aug. 1st kin el, na Wotapi wakan kin kicu, na hinhanha el kigle na makaiyutapi zaptan eceglala wahehan wikoškalaka kin wanna wašake šni aye. Hehan atkuku kin nape yus najin na wicata tanyan iyayapi wocekiye kin he alwayela on wocekiye ekiciye, na ihuni ehanl olowan 95 kin he oegle 1. 4. 6. hena unkahiyayapi hehanl oniya kin atanin šni iyaya. Hehanl, atkuku na hunku kin na takuwicaye cin wanglag najinpi cankel oiyo-blu wanica wan hi. Eya lila wicaceye cin on oiyoikišica. Eya Rev. J. Wahoyapi wicaičila tka qon, cunwintku telila kin yuobeja šni cankel takunni wacinye šni iyecel ceya. Eya kola-wicaye cin oksantanhan oimnicie canke tuweni inila yankin kta okihi šni. Hehanl ihanhepi el Rev. P. Philips hi; St. Matt. 5 yawa na on wahokonwicakiye, iwašakapi kta kipiya wowicakiyake. Nakun Inyan woslatanhan, Mr. Joseph Claymore hi na Wašicun cinca yeša lila caya.

Yunkan hecanmi, Wašicun cinca kin le Lakota onšiwicala qon awicakehan wicake lo ecanmi. Ho šunkawakan nom on wawokiyaya keya.

Ho wanna hinhanha Aug. 3 kin el Rev. P. Philips wicabapi ekta ayapi kta yaotanin canke wanna akiyuhapi kta cin šakpepi wanna ecel inajinpi na maka oge etkiya yuonihanyan nomnom manipi, ataya 73 henakecapi canke yuonihanyan aye, na Rev. P. Philips wicabapi woecan kin yuwakan yakel econ.

Ho hecel Lakota wicaša wakan kin le tokel okihi ungluonihanpi. Icin unkeyapi sa, "Bishop, Wicaša wakan wanji Lakota ca unkičaga piye" unkeyapi sa qon he wanna le taku wanjigji on wacinnunyanpi. Wakanyeja mini awicakaštan na kiciyuzapi kin nakun wanjikji wicakiciyuštan, na Wotapi wakan wicaqupi el Mini-ša kin wicaqu. Ho lena on wacinyepica lakaš, woyušin-yaye akipa el onkiyapi na kici unceyapi na kici cante unšicapi. Ho, mitakuyepi, tona le wanlakapi kin on kiksuyapi ye. Nitakolapi wanji onšike cin he miye.

Stephen Togole.

Tokata Omaka 1903 St. Louis (Minišoše iyuloke ekta) wapazopi wan econpi kta. Ehanmi makoce wan French oyate tawayapi qon he Milahanska oyate kin he opetonpi na "Louisiana Purchase" eciyapi. Makoce kin he South Dakota opa tka. Iyunkan lehan makoce kin ataya on tokeca kinhan he on wapazopi econpi kta, na maka oyate etanhanhan wicaša kañnił uwicašipi kta ca Tunkanšila wicakico.

Tunkanšila otonwe kin el wicaša akicita wicošan kin on Woonspe tipi wanji kagapi kta keyapi.

Africa ekta Boer na Saglaša oyate kicizapi qon nahalici enakiyapi šni. Wanna tehan econpi cankel ayuštampi kta hunh inalinipi, tka owekiniš ohiyewicayapi šni ecel Saglaša enakiyapi kte šni.

Holwoju oyate kin July 4th - Bloketu cokaya-woskate econpi kta skanpi qon, tka oyate Wicanhanhan kin on ekignakapi. Yunkan oyasin akisnipi na wanna zani unpi kin on, Aug. 24th he ehan econpi. Woškate ota econpi eša Lakol wicošan tani on išicapi kta takunni econpi šni. Taku oyasin yuonihanyan oholaya econpi cankel wicaša oyasin icantewaštapi. Wašicun ota wan-yag hipi na iš eya iyokipipi. Anpetu ataya tuwenni ipaweh škan šni, na tuwenni itomni šni, tka litayetu qonhan Owakpanmi ikowakata wašicun kin hena Mini wakan tipi kin hel mniciyapi na wayatkanpi cankel kicizapi. Yunkan nom tokakiciyapi qon ihihanna, Anpetu wakan icunhan kiciktepi kta okicilepi, na wanji unna kte